



Emissiun da las patentas da pestga – Cumenzament da la pestga il 1. da favrer 2025 Ulteriuras emissiuns da las patentas da pestga han lieu l'avrigl.

La patenta po vegnir pajada tar ils survegliaders da pestga ed ils guardiaselvaschina sco er en il Museum da la natira dal Grischun cun cartas da debit sco MaestroCard, PostCard, cun cartas da credit sco MasterCard, Visa sco er cun TWINT.

Tar ils survegliaders da pestga ed ils guardiaselvaschina n'èsi betg pussaivel da pajar en daner contant! En il Museum da la natira dal Grischun a Cuira è quai dentant er vinavant pussaivel.

Tar las preparativas per la stagiun da pestga tutga er la retratga da la patenta da pestga. Per pudair retrair la patenta per in onn u ina patenta mensila ston ins cumprovar ch'ins haja enconuschientschas da la pestga (attest obligatoric SaNa).

Las patentas pon vegnir cumpradas sco fin ussa en il Museum da la natira dal Grischun a Cuira **a partir da mesemna, ils 15 da schaner 2025** (mardi fin sonda: 10.00 – 17.00).

Online sut www.ajf.gr.ch e tar ils survegliaders da pestga (durant uras da biro) medemamain **a partir da mesemna, ils 15 da schaner 2025**.

App da pestga

La statistica da pestga na po betg mo vegnir manada cun il cudeschet da statistica, mabain er cun l'app da pestga dal Grischun. Cun retrair la patenta sto la pestgadra u il pestgader decider, sch'ella u el vul manar la statistica da pestga a maun u cun l'app. La moda d'endataziun tschernida vala per l'entira stagiun da pestga e **na po betg pli vegnir midada**. Infurmaziuns detagliadas per chargiar giu e per duvrar l'app da pestga chattais Vus qua: [App da pestga - La pestga en il Grischun](#)

En il fegl uffizial dal chantun Grischun dals 5 da schaner 2025 e sin la pagina d'internet da l'uffizi da chatscha e pestga www.ajf.gr.ch èn publicadas per ils singuls districts da pestga ils lieus, ils termins sco er las premissas per pudair retrair ina patenta. Sche terzas personas vulan retrair patentas per personas cun domicil en il chantun Grischun, ston ellas preschentar in attest da domicil personal da questas personas. Formulars correspundents pon vegnir chargiads giu da la pagina d'internet da l'uffizi da chatscha e pestga. En cas ch'ina persona fa ina dumonda en scrit per retrair ina patenta, sto ella medemamain agiuntar in attest da domicil.

Ils uffizis da pestga per pudair retrair ina patenta per la pestga:

Da mesemna, ils 15.01.2025:

Bündner Naturmuseum (BNM), Masanserstrasse 31, 7000 Chur
- mardi fin sonda: 10.00-17.00

District da pestga I Rain anteriur (Surselva, Imboden, Safien)			pussaivladads da pajament	
lieu	post d'emissiun	emissiun da patenta	carta	bar
Trun	Piscicultura chantunala SdP Roland Tomaschett	be sin preannunzia: 079 430 69 28	x	

District da pestga II Hinterrhein, Alpenrhein, (Schams, Avers, Heinzenberg, Domleschg, Oberhalbstein, Schanfigg, Churer Rheintal)			pussaivladads da pajament	
lieu	post d'emissiun	emissiun da patenta	carta	bar
Rothenbrunnen	Piscicultura chantunala SdP Curdin Meiler	so 18.01.2025 08.00-09.30 Uschiglio vegn emessa la patenta mo sin preannunzia: 081 257 87 61	x	

District da pestga III Landquart, Landwasser, Albula (Prättigau, Landwasser-, Albulatal)			pussaivladads da pajament	
lieu	post d'emissiun	emissiun da patenta	carta	bar
Klosters Platz	Piscicultura chantunala SdP Thomas Reidt	be sin preannunzia: 081 257 87 66	x	
Davos Platz	uffizi d'urden, chasa- cumin	a partir da ve 24.01.2025 gli: 08.30-11.30 13.30-18.00 ma fin gi: 08.30-11.30 13.30-17.00 ve: 08.30-16.00	x	x

UFFIZI DA CHATSCHA E PESTGA DAL GRISCHUN

Cuira, 15.11.2024

Dr. Adrian Arquint